

TEKS UCAPAN
YBHG. TUAN YANG DIPERTUA
MAJLIS PERBANDARAN SEBERANG PERAI
MAJLIS PENYERAHAN BEKAS KITAR SEMULA KEPADA
SEKOLAH - SEKOLAH DALAM PARLIMEN BUKIT
MERTAJAM
23 JULAI 2017 (AHAD), 1:30 PETANG

YB Tuan Sim Chee Keong

Ahli Parlimen Bukit Mertajam

Yang Dihormati Ahli - Ahli Majlis

Majlis Perbandaran Seberang Perai

Yang Berusaha Puan Ir Hj Rosnani binti Hj Mahmud

Tuan Setiausaha Perbandaran MPSP

YBhg Dato Lee Teong Li

Pengurus Kumpulan Amphenol,

Amphenol TCS

Ketua - ketua Jabatan dan Pegawai

Majlis Perbandaran Seberang Perai

Rakan - rakan Media

Tuan - tuan dan puan - puan yang dihormati sekalian

.....

Assalamualaikum warahmatullahi wabarakatuh, selamat pagi dan salam sejahtera,

Pertama sekali saya ingin mengambil kesempatan ini untuk mengucapkan ribuan terima kasih kepada YBhg Dato Lee Teong Li, Pengurus Kumpulan Amphenol, Amphenol TCS kerana sudi bekerjasama dengan MPSP untuk memperkasakan pendidikan kitar semula di sekolah-sekolah di kawasan Parlimen Bukit Mertajam.

Program Corporate Social Responsibility (CSR) seperti ini dapat memberi faedah kepada banyak pihak. Pada hari ini, saya difahamkan Amphenol TCS akan menyumbang sebanyak 136 bekas kitar semula yang diperbuat dari bekas yang telah digunakan (*upcycle product*). Sebanyak 34 buah sekolah dalam parlimen Bukit Mertajam dijemput untuk menerima satu set yang terdiri dari 4 buah bekas bagi pengisian barang kitar semula (plastic, botol kaca, kertas dan aluminium).

YB dan para hadirin sekalian,

Program seperti ini adalah untuk mendidik generasi pelapis masa akan datang supaya menjadikan amalan 4R iaitu *Rethink, Reduce, Reuse* dan *Recycle* sebagai satu gaya hidup. Pendekatan secara holistik secara menyeluruh dari peringkat anak - anak sekolah samada sekolah rendah dan menengah adalah penting untuk menjamin bumi kita ini dapat terus dipelihara. Konsistensi dalam menjadikan sisa sifar dan pengamalan *4R* ini dapat menjadikan sesebuah sekolah sebagai tempat melahirkan generasi yang menghargai dan menjaga alam sekitar.

Sebenarnya banyak bahan-bahan terbuang boleh direkacipta (*upcycle*) bagi kegunaan harian. Kita tidak perlu guna wang untuk menyediakan bekas bagi menyimpan barang kitar semula. Melalui Program ini, pihak pelajar dan sekolah juga diberi ruang dan peluang untuk melatih diri mereka dari segi bidang keusahawanan dimana, jika mereka mempunyai produk

'upcycle' mereka berpeluang untuk memasarkan produk mereka di Program *Car Free Morning* anjuran MPSP pada Ahad pertama setiap bulan di Jalan Todak 2 & 3, Seberang Jaya dari jam 8.00 pagi hingga 12 tengahari, dan juga di Carnival Auto City, Juru setiap Sabtu pertama jam 6.00 petang hingga 9.00 malam

YB dan para hadirin yang dihormati,

Satu kajian telah dijalankan oleh Penang Institute bagi tempoh 2008 hingga 2015. Menurut kajian ini, beratan sampah perkapita bagi kawasan Seberang Perai bagi tahun 2008 ialah 1.6kg dan telah menurun kepada 1.3kg bagi tahun 2015 . Pada tahun 2016 kadar kitar semula bagi keseluruhan Seberang Perai adalah 42.60% yang mana telah berjaya ditingkatkan dari 39.64% pada tahun 2015. Kadar kitar semula ini, adalah beratan kitar semula dari pelbagai agensi seperti kilang, pusat kitar semula, NGO dan juga sekolah - sekolah di seluruh Seberang Perai.

Jika dilihat dari data yang dikumpul, kadar kitar semula dari sekolah - sekolah di Seberang Perai mewakili 0.02% daripada 42.60% ini, dengan jumlah beratan sisa kitar semula iaitu 128,478 kilogram. Pada tahun ini, MPSP juga akan berusaha untuk meningkatkan program kitar semula barangan di sekolah - sekolah. Saya amat berharap pada tahun 2017 ini akan menyaksikan peningkatan dari segi beratan sisa kitar semula dari pihak sekolah kerana ini akan membantu mengurangkan sampah yang sampai ke tapak pelupusan Pulau Burung.

Pengurangan sampah ke Pulau Burung bukan sahaja dapat memanjangkan jangka hayat tapak pelupusan sampah tersebut, namun ia juga dapat mengurangkan kos pembayaran *tipping fees* yang dikeluarkan oleh pihak MPSP. Jika lebih banyak kos dapat dijimatkan, wang tersebut dapat disalurkan untuk membangunkan dan mengindahkan lagi kawasan Seberang Perai. Mengambil contoh pada tahun 2016 sahaja, sebanyak 434,008.51 tan sampah dilupuskan di Pulau Burung dan jika dikira sebanyak RM 8,766,971.90 telah dibelanjakan

untuk membayar *tipping fees* bagi keseluruhan sampah tersebut.

Di sini, saya juga ingin berkongsi matlamat Kerajaan Negeri Pulau Pinang yang telah mensasarkan kadar kitar semula sebanyak 50% bagi keseluruhan Pulau Pinang pada tahun 2020. Jika Negeri Pulau Pinang ingin menjadi Negeri Mutiara (*Smart City*), ia mestilah menjadi Bandar Hijau (*Green City*) juga.

Hadirin sekalian,

Selain menjalankan aktiviti kitar semula, bermula pada bulan Mac 2017 latihan untuk penjagaan kualiti air sungai akan dijadualkan bagi murid - murid sekolah menengah dan rendah. Program ini dirancang untuk diadakan di Hutan Lipur Cherok To'Kun. Selain daripada pelajar - pelajar diajar untuk menilai kualiti air, mereka juga akan diajar bagaimana menjaga air supaya tidak dicemari. Pemahaman mereka dari bengkel ini

akan dinilai dengan mengadakan pertandingan kuiz sekitar pada bulan Oktober 2017.

Sepanjang Perayaan Tahun Baru Cina yang lalu (24 hingga 31 Januari 2017), MPSP telah mengutip 6517.05 tan sampah domestik dan 3914.07 tan sampah industri. Manakala bagi Perayaan Tahun Baru Cina 2016 (4 hingga 11 Februari 2016) iaitu sebanyak 5663.04 tan sampah domestik dan 2982.39 tan sampah industri.

Saya ingin menegaskan di sini, penduduk Seberang Perai hendaklah mengasingkan sisa di punca samada rumah, kedai, sekolah mahupun kilang. Ini kerana pada 1 Julai 2017, penguatkuasaan telah dilaksanakan. Buat masa sekarang, MPSP telah mengeluarkan Notis Pemberitahuan kepada premis - premis yang didapati tidak mengasingkan sisa di punca. Sebanyak 9446 Notis Pemberitahuan telah dikeluarkan dari Ogos hingga Disember 2016 dan pada Januari 2017 pula sebanyak 2071 Notis Pemberitahuan telah dikeluarkan.

Saya berharap melalui pendidikan ini, ramai pelajar dapat memperoleh nilai murni dan pengalaman sekaligus diteruskan di Universiti dan juga manfaatnya menjadi budaya dalam kehidupan harian kita rakyat Malaysia.

Ucapkan ribuan terima kasih sekali lagi kepada YBhg Dato Lee Teong Li, Pengurus Kumpulan Amphenol, Amphenol TCS kerana sudi bekerjasama dengan MPSP.

Sekian, terima kasih.

